

**FEDERALNO MINISTARSTVO  
POLJOPRIVREDE, VODOPRIVREDE I  
ŠUMARSTVA**

1493

Na osnovu čl. 18. stav 6. i 21. Zakona o veterinarstvu ("Službene novine Federacije BiH", broj 46/00), federalni ministar poljoprivrede, vodoprivrede i šumarstva donosi

**PRAVILNIK  
O SADRŽAJU, OBLIKU I NAČINU VOĐENJA REGISTRA  
ODOBRENH I REGISTROVANIH OBJEKATA I NAČINU  
DODJELE VETERINARSKIH KONTROLNIH I  
EVIDENCIJSKIH BROJEVA U FEDERACIJI BOSNE I  
HERCEGOVINE**

Član 1.

Ovim Pravilnikom se propisuje sadržaj, oblik i način vođenja registara odobrenih i registrovanih objekata u Federaciji Bosne i Hercegovine (u daljem tekstu: Federacija) i utvrđuje način dodjele veterinarskih kontrolnih i evidencijskih brojeva za uzgajališta životinja.

Član 2.

Za primjenu ovog Pravilnika pored definicija u važećim propisima iz oblasti veterinarstva koriste se i sljedeći pojmovi:

- **Veterinarski kontrolni broj objekta** - oznaka koja se dobije prilikom odobravanja objekta od strane nadležnog ministarstva u skladu sa važećim propisima iz oblasti veterinarstva;
- **Evidencijski broj za uzgajališta životinja** - broj koji se dodjeljuje uzgajalištima životinja koja se registruju, a za koje se u skladu sa važećim propisima iz oblasti veterinarstva ne dodjeljuje veterinarski kontrolni broj.

Član 3.

Objekti za koje se dodjeljuje *veterinarski kontrolni broj* su:

1. objekti za klanje životinja;
2. objekti za rasijecanje i obradu mesa, mesa divljači, ribe, rakova, školjki, puževa i žaba koji su namijenjeni javnoj potrošnji;
3. objekti za preradu mesa, mesa divljači, ribe, mlijeka, jaja, meda i ostalih proizvoda životinjskog porijekla namijenjenih ishrani ljudi putem javne potrošnje;
4. objekti za hlađenje, zamrzavanje i/ili uskladištenje navedenih proizvoda;
5. valionice;
6. objekti za proizvodnju hrane za životinje, mješavice i objekti za uskladištenje hrane za životinje;
7. objekti za dobijanje, razrjeđivanje i pripremu sjemena za umjetno osjemenjivanje i oplodjenih jajnih ćelija;
8. objekti za sakupljanje, konzervisanje, skladištenje ili preradu sirove kože i krzna;
9. zoološki vrtovi;
10. farme goveda i kopitara veće od 20 uslovnih grla;
11. farme peradi i kunića veće od 10 uslovnih grla;
12. farme za uzgoj divljači i krznaša;
13. ribnjaci i drugi objekti akvakulture;
14. uzgajališta puževa i drugi objekti.

Objekti za koje se dodjeljuje *evidencijski broj za uzgajališta životinja* su farme kopitara i papkara manje od 20 uslovnih grla, farme peradi i kunića manje od 10 uslovnih grla i ostali objekti namijenjeni proizvodnji, rasplodu i uzgoju životinja, a nisu navedeni u stavu 1. ovog člana.

Član 4.

Registar odobrenih i registrovanih objekata za područje kantona (u daljem tekstu: Registar) vode kantonalna ministarstva i objavljuju u službenom glasilu kantona.

Jedinstveni registar odobrenih i registrovanih objekata u Federaciji (u daljem tekstu: Jedinstveni registar) sa odobrenim veterinarskim kontrolnim i evidencijskim brojem vodi Federalno ministarstvo poljoprivrede, vodoprivrede i šumarstva (u daljem tekstu: Federalno ministarstvo).

U Jedinstveni registar iz stava 1. ovog člana Federalno ministarstvo upisuje i izvozne objekte.

Izgled i sadržaj registara iz st. 1. i 2. ovog člana propisan je Obrascima br. 2. i 3. koji se nalaze u prilogu ovog Pravilnika i čine njegov sastavni dio.

Listu svih objekata upisanih u Jedinstveni registar Federalno ministarstvo objavljuje na svojoj web-stranici i u "Službenim novinama Federacije BiH".

Član 5.

Rješenje o odobravanju ili registraciji objekata iz člana 3. ovog Pravilnika donosi kantonalno ministarstvo, a za izvozne objekte Federalno ministarstvo.

Nakon što Federalno ministarstvo u postupku rješavanja zahtjeva za odobravanje ili registraciju izvoznog objekta iz člana 3. ovog Pravilnika utvrdi da nema smetnji za izdavanje rješenja iz stava 1. ovog člana, donosi rješenje o dodijeljenom veterinarskom kontrolnom broju na osnovu kojeg vrši upis u Jedinstveni registar.

Član 6.

Nakon što kantonalno ministarstvo u postupku rješavanja zahtjeva za odobravanje ili registraciju objekta iz člana 3. ovog Pravilnika utvrdi da nema smetnji za izdavanje rješenja iz člana 5. ovog Pravilnika, isto upućuje pisani zahtjev za dodjelu veterinarskog kontrolnog broja na Obrascu broj 4. ili evidencijskog broja za uzgajalište životinja na Obrascu broj 5. Federalnom ministarstvu koji obrasci se nalaze u prilogu ovog Pravilnika i čine njegov sastavni dio.

Svaki objekat može imati samo jedan odobreni veterinarski kontrolni i evidencijski broj koji jednom dodijeljen ne može se mijenjati, niti može biti ponovo dodijeljen nekom objektu u slučaju prestanka obavljanja djelatnosti tog objekta.

Federalno ministarstvo nakon zaprimljenog zahtjeva dodjeljuje veterinarski kontrolni ili evidencijski broj za traženu djelatnost u roku do sedam dana od dana prijema zahtjeva i o tome pismeno obavještava kantonalno ministarstvo koje je zahtjev podnijelo.

Zahtjev iz stava 1. i obavijest iz stava 3. ovog člana se mogu uputiti i putem faxesa.

Nakon što kantonalno ministarstvo dobije obavijest iz stava 3. ovog člana, donosi rješenje kojim se određuje odobreni broj i odobrava obavljanje pojedinačnih djelatnosti proizvodnje i trgovine, kao i ograničenja kapaciteta i obima trgovanja i upis u Registar iz člana 4. stav 1.

Primjerak rješenja iz stava 5. ovog člana dostavlja se Federalnom ministarstvu u roku od 10 dana od dana njegovog donošenja na osnovu kojeg će Federalno ministarstvo izvršiti upis objekta u Jedinstveni registar.

Član 7.

Veterinarski kontrolni broj, čiji je izgled i sadržaj u skladu sa propisanim uslovima u Bosni i Hercegovini, se dodjeljuje i određuje prema vrsti djelatnosti za koju objekat ispunjava propisane uslove.

Evidencijski brojevi za uzgajališta životinja počinju od rednog broja jedan i nastavljaju se bez prekida, ne mijenjajući se po kalendarskim godinama.

O dodijeljenim brojevima iz člana 2. ovog Pravilnika, Federalno ministarstvo vodi registar na Obrascu broj 1. koji se nalazi u prilogu ovog Pravilnika i čini njegov sastavni dio.

Član 8.

U slučaju prestanka rada objekta, kantonalno ministarstvo podnosi zahtjev Federalnom ministarstvu za brisanje objekta iz

Jedinstvenog registra na Obrascu broj 6. koji se nalazi u prilogu ovog Pravilnika i čini njegov sastavni dio. Uz zahtjev kantonalno ministarstvo dostavlja rješenje o brisanju objekta iz Registra.

U slučaju prestanka rada izvoznog objekta Federalno ministarstvo donosi rješenje o brisanju objekta iz Jedinstvenog registra.

#### Član 9.

Postojeći odobreni brojevi iz člana 2. ovog Pravilnika će se uskladiti sa odredbama ovog Pravilnika najkasnije u roku od 12

mjeseci od dana stupanja na snagu ovog Pravilnika, nakon čega će biti upisani u Jedinstveni registar.

#### Član 10.

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 06-02-1117-2/12  
13. augusta 2012. godine  
Sarajevo

Ministar  
**Jerko Ivanković - Lijanović**, s. r.

### Obrazac broj 1.

#### Registar odobrenih brojeva u Federaciji Bosne i Hercegovine

Redni broj/ godinu	Datum prijema zahtjeva za dodjelu odobrenog broja	ODOBRENI BROJ		Datum dodjele odobrenog broja	Kanton	Općina	Naziv objekta/ vlasnik uz gajališta	Djelatnost*	Broj iz Jedinstvenog registra*
		VKB	EVID.BROJ						

**Napomena:** Evidencija se vodi elektronski, stranice se numerišu, a djelatnost unosi šifrirano u skladu sa Legendom\* koja se nalazi u prilogu ovog Pravilnika i čini njegov sastavni dio

Broj iz Jedinstvenog registra\*- popunjava se nakon upisa objekta u Jedinstveni registar

Stranica broj \_\_\_\_\_

## Obrazac 2.

## Registar odobrenih i registrovanih objekata \_\_\_\_\_

(Naziv kantona )

Redni broj/godina	Podaci o objektu						Podaci o odobranju i registraciji djelatnosti					Podaci o djelatnosti				
	Odobreni broj	Naziv	Općina	Adresa	Telefon/fax	E mail	Odgovorno lice	Broj rješenja	Datum rješenja	Vaijanost rješenja	Područje trgovanja	Djelatnost*	Vrsta sirovine	Asortiman	Kapacitet	Napomena

\* Djelatnost se upisuje kao oznaka prema Legendi koja se nalazi u prilogu ovog Pravilnika (Evropska Komisija : DG Sanco oznake)

## Obrazac 3.

## Jedinstveni Registar odobrenih i registrovanih objekata u Federaciji Bosne i Hercegovine

Redni broj / godina	PODACI O OBJEKTU							PODACI O ODOBRAVANJU I REGISTRACIJI DJELATNOSTI					PODACI O DJELATNOSTI							
	Odobreni broj	Naziv	Kanton	Općina	Adresa	Telefon/fax	E mail	Odgovorno lice	Broj rješenja	Datum rješenja	Vaijanost rješenja	Područje trgovanja	Broj iz Registra	OZNAKA*		Vrsta sirovine	Kapacitet	Asortiman	Napomena	
														SANCO grupa	DJELATNOST					

\* Djelatnost se upisuje kao oznaka prema Legendi koja se nalazi u prilogu ovog Pravilnika (Evropska Komisija : DGSanco oznake)

**Obrazac broj 4.**

Bosna i Hercegovina  
Federacija Bosne i Hercegovine

\_\_\_\_\_  
Naziv kantona

-----  
Kantonarno ministarstvo

Broj: \_\_\_\_\_

Datum: \_\_\_\_\_

**Bosna i Hercegovina**  
**Federacija Bosne i Hercegovine**  
**Federalno ministarstvo poljoprivrede,**  
**vodoprivrede i šumarstva**  
**SARAJEVO**  
**Fax: 033 217 242**

**Predmet: Zahtjev za dodjelu veterinarskog kontrolnog broja**

U skladu sa članom 5. Pravilnika o sadržaju, obliku i načinu vođenja registra odobrenih i registrovanih objekata i načinu dodjele veterinarskih kontrolnih i evidencijskih brojeva u Federaciji Bosne i Hercegovine („Službene novine Federacije BiH“, broj \_\_\_\_\_) molimo da dodjelite veterinarski kontrolni broj za objekat vlasništvo \_\_\_\_\_ korisnika \_\_\_\_\_ iz \_\_\_\_\_, adresa \_\_\_\_\_ kontak telefon \_\_\_\_\_, e-mail \_\_\_\_\_.

U postupku utvrđivanja udovoljavanja propisanim uslovima utvrđeno je da objekat udovoljava uslovima za:

**Djelatnost :** \_\_\_\_\_

**Vrsta/asortiman:** \_\_\_\_\_

**Kapacitet proizvodnje:** \_\_\_\_\_

**Vlastiti maloprodajni objekti :** da / ne - zaokružiti

Ili

**Djelatnost** \_\_\_\_\_

(uzgoj po vrstama životinja: goveda, ovce, koze, svinje, konji, pčele i drugo navesti).

**Vrsta uzgoja :** \_\_\_\_\_

( vrsta životinje za: tov, proizvodnja mlijeka, jaja, meda, raslodnih jaja i drugo):

**Kapacitet proizvodnje/trenutno brojno stanje životinja:** \_\_\_\_\_

\_\_\_\_\_  
**MINISTAR**

Dostaviti:  
1. naslovu  
2. u spis  
3. a/a

**Obrazac broj 5.**

Bosna i Hercegovina  
Federacija Bosne i Hercegovine

\_\_\_\_\_  
Naziv kantona

-----  
Kantonarno ministarstvo

Broj: \_\_\_\_\_

Datum: \_\_\_\_\_

**Bosna i Hercegovina  
Federacija Bosne i Hercegovine  
Federalno ministarstvo poljoprivrede,  
vodoprivrede i šumarstva  
SARAJEVO  
Fax: 033 217 242**

**Predmet: Zahtjev za dodjelu evidencijskog broja za uzgajalište životinja**

U skladu sa članom 5. Pravilnika o sadržaju, obliku i načinu vođenja registra odobrenih i registrovanih objekata i načinu dodjele veterinarskih kontrolnih i evidencijskih brojeva u Federaciji Bosne i Hercegovine („Službene novine Federacije BiH“, broj \_\_\_\_\_) molimo da dodijelite evidencijski broj za uzgajalište životinja vlasništvo \_\_\_\_\_ korisnika \_\_\_\_\_ iz \_\_\_\_\_, adresa \_\_\_\_\_ kontak telefon \_\_\_\_\_, e- mail \_\_\_\_\_.

U postupku utvrđivanja udovoljavanja propisanim uslovima utvrđeno je da uzgajalište udovoljava uslovima za:

**Djelatnost** \_\_\_\_\_

(uzgoj po vrstama životinja: goveda, ovce, koze, svinje, konji, pčele i drugo navesti).

**Vrsta uzgoja :** \_\_\_\_\_

( vrsta životinje za: tov, proizvodnja mlijeka, jaja, meda, raslodnih jaja i drugo):

**Kapacitet proizvodnje/trenutno brojno stanje životinja:** \_\_\_\_\_

**MINISTAR**

Dostaviti:  
1. naslovu  
2. u spis  
3. a/a

**Obrazac broj 6.**

Bosna i Hercegovina  
Federacija Bosne i Hercegovine

\_\_\_\_\_  
Naziv kantona

-----  
Kantonalno ministarstvo

Broj: \_\_\_\_\_

Datum: \_\_\_\_\_

**Bosna i Hercegovina**  
**Federacija Bosne i Hercegovine**  
**Federalno ministarstvo poljoprivrede,**  
**vodoprivrede i šumarstva**  
**SARAJEVO**  
**Fax: 033 217 242**

**Predmet: Zahtjev za brisanje objekta iz Jedinstvenog registra odobrenih i registrovanih objekata u Federaciji Bosne i Hercegovine**

U skladu sa članom 8. Pravilnika o sadržaju, obliku i načinu vođenja registra odobrenih i registrovanih objekata i načinu dodjele veterinarskih kontrolnih i evidencijskih brojeva u Federaciji Bosne i Hercegovine („Službene novine Federacije BiH“, broj \_\_\_\_\_) molimo se da se izvrši brisanje objekta iz Jedinstvenog registra sa sljedećim podacima:

Objekat	
Adresa objekta	
Odobreni broj	
Odobrena djelatnost	
Razlog podnošenja zahtijeva za brisanje iz Jedinstvenog registra	(opisati)

U prilogu vam dostavljamo Rješenje ovog organa o brisanju iz Registra odobrenih i registrovanih objekata za područje ovog kantona.

**MINISTAR**

Dostaviti:  
1. naslovu  
2. u spis  
3. a/a

## LEGENDA

Skaćenice su slovne i brojčane oznake (rimski brojevi ) djelatnosti u odobrenim ili registrovanim objektima za unos podataka u Registar/Jedinstveni registar u skladu sa oznakama koje se primjenjuju u Evropskoj uniji .

### GRUPE PO VRSTAMA PROIZVODNJE

0 - Opće aktivnosti

I - Meso domaćih papkara i kopitara

II - Meso peradi i lagomorfa

III - Meso divljači iz uzgoja

IV - Meso divljači

V - Mljeveno meso, mesne prerađevine , mašinski otkoštено meso

VI - Mesni proizvodi

VII - Živi školjkaši

VIII - Proizvodi ribarstva

IX – Sirovo mlijeko i mliječni proizvodi

X – Jaja i proizvodi od jaja

XI – Žablji kraci i puževi

XII – Topliene životinjske masti i čvarci

XIII – Prerađeni želuci, mjehuri i crijeva

XVI – Punjenje i pakovanje pčelinjih proizvoda

DJELATNOST	DJELATNOST
<b>A</b> - perad, uključujući i malu pernatu divljač iz uzgoja	<b>DC</b> - otpremni centar
<b>B</b> - goveda	<b>FFPP</b> - pogon za svježe riblje proizvode
<b>C</b> - koze	<b>PC</b> - centri za pročišćavanje
<b>O</b> - ovce	<b>EPC</b> - pakirni centar
<b>L</b> - lagomorfi	<b>mp</b> - mesni proizvodi
<b>P</b> - svinje	<b>st</b> - prerađeni želuci, mjehuri i crijeva
<b>S</b> - kopitari	<b>sn</b> - puževi
<b>R</b> - velike ptice	<b>ZV</b> - brodovi hladnjače
<b>wA</b> - divlje ptice	<b>AH</b> - aukcijska tržnica
<b>wL</b> - divlji zečevi	<b>EU</b> - objekt koji ima odobrenje izvoza u zemlje članice EU
<b>wU</b> - divlji papkari	<b>3rd</b> - objekt koji ima odobrenje izvoza u treće zemlje
<b>wG</b> - ostali divlji sisavci	<b>SF</b> = uzgajalište puževa (snail farm)
<b>CS</b> - hladnjača (pogon za hlađenje)	<b>GHC</b> uzgajalište ribe za poribljavanje
<b>RW</b> - objekti za prepakiranje	<b>BS</b> uzgajalište riba za ishranu ljudi - Grow out for human consumption- Brood stock
<b>WM</b> - veleprodajni objekti	<b>H</b> -mrjestilište – Hatchery
<b>SH</b> - klaonice	<b>IPTF</b> - lovište za rekreativni ribolov - Put and take fisheries
<b>CP</b> - pogon (objekt za rasijecanje)	<b>FC</b> - kavezni uzgoj ribe- Freshwater cages/enclosures/pens
<b>MM</b> - mljeveno meso	<b>FT</b> – uzgoj ribe u bazenima - Freshwater tanks/raceways
<b>MP</b> – mesne prerađevine	<b>FP</b> - uzgoj ribe u akumulaciji - Freshwater ponds
<b>MSM</b> – mašinski otkošteno meso	<b>RF</b> -istraživački centar - Research facility
<b>PP</b> - pogoni za preradu/proizvodnju	<b>R</b> -zatvoreni sistem uzgoja ribe (recirkulacija) - Freshwater closed
<b>GHE</b> - pogon za obradu divljači	<b>VAL</b> - valionice
<b>CC</b> - sabirni centar	<b>FARM</b> -uzgajalište
<b>LEP</b> - pogon za tekuća jaja	<b>FEED</b> - hrana za životinje



**AKTIVNOSTI u vezi sa nusproizvodima životinjskog porijekla**

<b>BIOGP</b> – objekti za bioplin	<b>STORP</b> – objekti za skladištenje
<b>COLC</b> – sabirni centri	<b>TAN</b> – kožare (štavionice)
<b>CoIP</b> – objekti za kombinovano spaljivanje	<b>TECHP</b> – tehnički objekti
<b>COMP</b> - objekti za kompostiranje	<b>UCOSM</b> – upotreba za kozmetičke proizvode
<b>GATRP</b> – objekti za lovačke trofeje	<b>UDER</b> – upotreba za dijagnostiku, obrazovanje, istraživanje
<b>INCP</b> – objekti za spaljivanje	<b>UDOG</b> – upotreba za ishranu pasa iz uzgajališta ili uzgoja lovačkih pasa
<b>INTP</b> – sabirališta	<b>UFERT</b> – upotreba za organska gnojiva
<b>OLCP</b> – uljno kemijski objekti	<b>UFUR</b> – upotreba za ishranu krznaša
<b>OTHER</b> – druge aktivnosti (navesti)	<b>UINSE</b> – upotreba za insekte uključujući mamce za ribe
<b>PETPP</b> – objekti za proizvodnju hrane za kućne ljubimce- uz upotrebu samo prerađenih nusproizvoda	<b>UNEC</b> – upotreba za ishranu ptica strvinarki
<b>PETPR</b> – objekti za proizvodnju hrane za kućne ljubimce- uz upotrebu sirovih nusproizvoda	<b>URBP</b> – upotreba za ishranu gmizacava i ptica grabljivica
<b>PHAR</b> – farmaceutske aktivnosti, uključujući medicinski pribor	<b>UWILD</b> – upotreba za ishranu divljih životinja
<b>PROCP</b> – objekti za preradu	<b>UZOO</b> – upotreba za ishranu životinja u zoološkim vrtovima i cirkusima

<b>VRSTE PROIZVODA- u vezi sa nusproduktima životinjskog porijekla</b>	
<b>API</b> – nusprodukti pčelarstva	<b>GATR</b> – lovački trofeji
<b>BHHP</b> – kosti, rogovi, papci i njihovi proizvodi	<b>HISKR</b> – sirova koža
<b>BIOG</b> – bioplin	<b>HISKT</b> – štavljena koža
<b>BIOD</b> – biodiesel	<b>HYDP</b> – hidrolizirane bjelančevine
<b>BIOR</b> – rezidue prilikom proizvodnje bioplina osim BIOG	<b>INSE</b> – insekti uključujući mamce za ribe
<b>BLPF</b> – proizvodi od krvi za ishranu	<b>MANU</b> – neprerađeni štalski gnoj
<b>BLPT</b> – proizvodi od krvi za tehničke svrhe	<b>MANP</b> – prerađeni štalski gnoj i proizvodi od prerađenog štalskog gnoja
<b>COL</b> – kolagen	<b>MBM</b> – mesno-koštano brašno (kategorije 1 ili 2)
<b>COMR</b> – rezidue nakon kompostiranja	<b>MEDD</b> – medicinski pribor
<b>COSM</b> – kozmetički proizvodi	<b>MIMC</b> – mlijeko, mliječni proizvodi, proizvodi na bazi mlijeka i kolostrum
<b>CATW</b> – ugostiteljski otpad	<b>OTHER</b> – drugo (navesti)
<b>DCAP</b> – dikalcij fosfat	<b>PAP</b> – prerađene životinjske bjelančevine
<b>DTC</b> – sadržaj probavnog trakta	<b>PETC</b> – hrana za kućne ljubimce u konzervi
<b>DIGR</b> – ostaci digestije osim BIOR	<b>PETFI</b> – poboljšivači ukusa za hranu za kućne ljubimce
<b>EGG</b> – proizvodi od jaja	<b>PETD</b> – žvakalice za pse
<b>FERT</b> – organska gnojiva osim DIGR ili BIOR	<b>PETP</b> – prerađena hrana za kućne ljubimce osim PETC
<b>FATOT</b> – prerađene masti i riblje ulje za druge namjene osim FATF i FATOL	<b>PETR</b> – sirova hrana za kućne ljubimce
<b>FATOL</b> – prerađene masti od nusproduktima za uljno-kemijske svrhe	<b>PHARM</b> – farmaceutski proizvodi
<b>FATD</b> – derivati masti	<b>RAW</b> – drugi neprerađeni nusprodukti
<b>FATF</b> – prerađene masti i riblje ulje za hranidbu	<b>SERE</b> – serum kopitara
<b>FEED</b> – proizvodnja hrane/proizvodnja za hranu /Feed production (navesti)	<b>TCAP</b> – trikalcij fosfat
<b>FORMF</b> – bivša hrana životinjskog porijekla	<b>WHBF</b> – vuna, dlaka, čekinje, perje
<b>GEL</b> – želatina	<b>WWT</b> – materijal prikupljen prilikom obrade otpadnih voda